

Gij Dinfwngz Siuqva Mulajucz

□ Maj Veiyungz comz hoiz



▲ Mehmbwk ciuh rizraiz baez cim baez cim siuqva.



▲ Mehmbwk baijyienj siuqva.

◀ Gyoengq mehmbwk Mulajucz langhbaij gij doxgaiq siuqva gag siuq haenx.



▲ Canghsuq baijyienj siuqva.



▲ Mehmbwk Mbanjcungh-cai baenz ngoenz dajsiuq.



▲ Dauq buh Mulajucz neix ndaej Swcigh gim-ciengj.

Gij lizsij siuqva Mulajucz gig naihnanz, dozanq de lai cungj lai yiengh, miz mbwn miz deih, youh miz doenghgo doenghduz gwnz-biengz, gij doxgaiq siuq okdaej haenx hix lekndei gvaq gij sengcingz de bae. Lozcwngz Mulajucz Swciyen Swbaj Cin Mbanjcunghcai dwg aen dieg siuqva Mulajucz mizmingz ndeu, daengx mbanj mehmbwk dingzlai cungj rox siuqva, gij doxgaiq gyoengqde siuq okdaej haenx gyaundeidei dangqmaz, gij saek dapboiq doxhuz, gij doz hix siuq dwk lumj gij caen nei, vunzseng'eiq cungj haengj bae soucawx.

Gyoengqvunz fwngzsoem ndawde miz boux daiqbiuj ndeu heuhguh Se Siuyungz. De ndaej hajcib geij bi lo, mbanj gaiq lumj "haiz siuqva" gaenq saetcienz haujlai nanz haenx, "haiz hwnjgiuh" ndawbiengz haqsau aeuyah seiz yungh haenx, buhhak

Mulajucz daengj, de vanzlij ndaej siuq okdaej. De genhciz daiq lwgsae, cienz gij dinfwngz de hawj gyoengq lwgsae, gungganq ndaej haujlai vunzcaiz, vihneix, gyoengqvunz cungj heuh de guh "Yahsiuq". Byaij haeuj ndaw ranz de bae, doq raen daengx faq ciengz cungj dwg gij doxgaiq de siuq haenx, venj dwk rim raixcaix. Fukfuk cungj miz liz-dijgamj, yienghsik ndeiawj, gij saek hix boiq ndaej gig ndei.

Gij siuqva Mulajucz Mbanjcunghcai daj ciuhgonq cienz daengz seizneix gaenq miz haj bak lai bi lo. Seizneix ndaw mbanj boux siuqva ceiq laux haenx miz bet geij bi, boux ceiq oiq he hix daj bet bi couh hainduj hag siuqva lo. Gij siuqva Mulajucz baen miz sam cungj: Siuqbingz, siuq raedceij, siuq riengmax. Gyoengq mehmbwk itbuen cungj dwg siuq najnda, aenmauh,

buhvaq, fandox, haiz siuqva, songzswiz daengj doxgaiq lai. Gwnzde siuq miz aendaengngoenz, song duz bya, dujfwj, duzgeizlaenz daengj gak cungj gak yiengh dozanq gitleih haenx.

Siuq riengmax itbuen yungh ma guh buh lai. Sam cungj siuqfap neix, siuq riengmax ceiq hoj siuq hix ceiq miz yisuz gyaciz. Se Siuyungz ceiq sughangz guh siuq riengmax, daengx mbanj caenh gag de rox cungj siuqfap neix. Gij buhliuh siuq riengmax yungh haenx gig gangigouz, gij bouhloh hix gig fukcab, itbuen aeu seiq geu riengmax guh sim gonq, youh aeu mae hau geuj hwnjbae, guh baenz diuz mae siuqva ndeu; caiq aeu gij mae siuqva neix riengz gij rizraiz gaenq veh ndei youq gwnz baengz haenx bae siuq doz; youh yungh mae lai saek benjbet aeu maesei lai saek laenz baenz haenx, siuq haeuj cungqgyang gij rizraiz giz hoengq bae; doeklaeng cix ciuq gij bingzsiuq, deuva, luenhcim, diuqcin daengj fuengfap baeznaengz siuqva yungh haenx bae siuq. Dan guh maesim riengmax couh aeu guh baenz geij ndwen, gij doxgaiq siuq ndaej haenx gyaen lumj gij ciuhgeq neix, gyaundeidei gyaqciq, liuh saed hix naihyungh.

Siuqva Mulajucz mbouj gag dapcoux dwk minzcuuz vwnzva, lij ndaej hawj vunzmbanj canhcienz. Daj bi 2012 doxdaej, Se Siuyungz banh ndaej sam mbat ban sonlien, gungh miz bak lai vunz camgya. Se Siuyungz daiq gij lwgsae de, doengxhaemh heuhcomz gyoengq mehmbwk ndaw mbanj mbouj miz hong guh haenx bae vih gij vunzseng'eiq gyaen'gyawj haenx siuq doxgaiq. Bi 2014, Mbanjcunghcai gungh miz gyawj betcib boux mehmbwk guh gij hong siuqva neix, gyoengqde itbi boux ndeu cungj canh ndaej baenz fanh ngeih maenz ngaenz.



▲ Mehmbwk siuqva saeqsim raeuh.



▲ Canghsuq langhbaij doxgaiq siuqva.



▲ Canghsuq Se Siuyungz son lwgsae siuqva.



▲ Daxgaiq dajsiuq seiz-hwng.